



Kalaallit Airport-imi suliniutitut pisortaq soraarpoq.

Suliniutitut pisortaq, Johannes Ehmanns, Kalaallit Airports Holding A/S-imi, aamma ingerlatseqatigiiffinni immikkoortortaqarfiusuni Kalaallit Airports International A/S-imi aamma Kalaallit Airports Domestic A/S-imi atorfimminit ullumi ulloq soraarpoq.

Suliniutitut pisortap soraarnera illuatungeriit isumaqatigiinnerat malillugu pivoq.

Ingerlatseqatigiiffimmi sanaartornermut pisortap, Erlingur Leifsson-ip, pisortaatitat ataaniilluni maannamuugallartuq Nuummi, Ilulissani aamma Qaqortumi sanaartornermik suliassat aqunneqarnerannut suliassat ingerlateqqissavai. Erlingur Leifsson Island-iminngaaneersuuvoq, aammalu University of Iceland-imi civilingeniøritut aammalu USA-mi University of Illinois-imi "construction engineering and management"-imi ilinniarsimasuulluni. Erlingur Leifsson tamatuma saniatigut mittarfiliassanut suliniutini aammalu Island-imi suliniutini annertunerusuni allani suliaqarnermik ukiuni arlalinni misilittagaqarpoq, kiisalu nunani tamalaani, ilaatigut Norge-mi, USA-mi aamma Jamaica-mi sulinermik misilittagaqarluni.

Nuummi aamma Ilulissani mittarfinnut sanaartornermik suliaqarnerup aallartinneqarnissaata aammalu Qaqortumi mittarfiup sanaartornissamut pilersaarusioneqarnerata inaarsarneqarnissaata, suliarineqarnerat allannguuteqaratik ingerlaannassapput.

"Siulersuisut soorunami suliniutitut pisortap soraarnera uggoraat, kisianni sanaartornermut pisortap Erlingur Leifsson-ip, mittarfiliassanut suliniutitut annertuumik ilisimannittup, aammalu Munck Gruppen A/S-imut isumaqatiginninniarnermi akuusimasup, siunissami pisortaaqatigiit katititaanerat pillugu aalajangiisoqarnissaata tungaanut suliniutini aqutsinermik suliassaq tamakkiisumik isumagisinnaagaa, tatigilluinnarlugu," oqarpoq siulersuisunut siulittaasoq Johannus Egholm Hansen, peqatigisaanillu Johannes Ehmanns suliaqarsimaneranut qutsavigalugu.

Nuuk, ulloq 18. august 2019

Siulersuisut